

耻有所不知，耻有所不能，耻有所不淨，
 迴入於大乘。不忍聖教衰，不忍衆生苦，
 緣起大悲心，趣入於大乘。或以信願入，
 或智或悲入，趣入大乘者，直入或迴入。
 相應諸教法，實說方便說，衆生有佛性，
 理性及行性。初以習成性，次以性成習，
 以是待修習，一切佛皆成。發心名菩薩，
 衆生之上首，世出世功德，悉由菩薩有。

(略)

佛住於淨土，十八事圓滿，與諸菩薩衆，
 受用於法樂。諸法真實義，及證真實慧，
 無變異差別，是故無別乘。佛得不動身，
 悲願化三有，示淨或示穢，咸令入涅槃。
 為除衆疲乏，化作可愛城，終示真實相，
 故唯一佛乘。一切諸善法，同歸於佛道，
 所有衆生類，究竟得成佛。

— 摘自上印下順導師「成佛之道」 —